



Broj: 02-04-867/26
Lukavac, 24.03.2026.godine

Na osnovu člana 39. Statuta Grada Lukavac („Službeni glasnik Grada Lukavca“ broj: 14/25), člana 6. Odluke o značajnim manifestacijama i načinu proglašavanja i finansiranja manifestacija od općeg interesa na području grada Lukavac („Službeni glasnik općine Lukavac“, broj: 1/10) i člana 7. Pravilnika o kriterijumima i procedurama za obilježavanje, proglašavanje i finansiranje značajnih manifestacija i manifestacija od općeg interesa na području grada Lukavac, broj: 02-02-2-222/10 od 05.02.2010.godine i broj: 02-02-2-222/10-1 od 03.04.2024.godine, Gradonačelnik objavljuje

JAVNI POZIV

za kandidovanje prijedloga/projekata obilježavanja manifestacije Majski dani otpora

1. PREDMET JAVNOG POZIVA

Predmet Javnog poziva je dodjela novčanih sredstava za prijedloge/projekte za obilježavanja Majskih dana otpora za datume:

- 11. maj Dan oslobođenja Vijenca i Gornjih Jarušaka
- 19. maj Dan obilježavanja napada na općinu Lukavac
- 28. maj Dan oslobođenja Skresaca
- 03. juli Dan oslobođenja Griča
- 28. august Dan stradanja građana Dobošnice
- 07. oktobar Dan formiranja 117.-223. Brdske brigade i 212. -222. Bosanske oslobodilačke brigade i
- Centralna manifestacija obilježavanja Majskih dana otpora i/ili druge manifestacije u okviru Majskih dana otpora

2. FINANSIJSKA SREDSTVA

U skladu sa članom 11. tačka 2.4. Pravilnika o kriterijima i procedurama za obilježavanje, proglašavanje i finansiranje značajnih manifestacija i manifestacija od općeg interesa na području grada Lukavac, pojedinačni iznos organizovanja manifestacije, izuzimajući centralnu manifestaciju, ne može preći iznos veći od 3.000,00 KM.

Elementi finansijskog plana neće biti podržani ukoliko finansiraju sljedeće aktivnosti:

- Naknada za rad osoblja, odnosno plaćanje „ljudskih resursa“,
- Nastupa estradnih umjetnika,
- Nabavka opreme kao primaran cilj,
- Adaptacija objekata.

3. PRAVO UČEŠĆA NA JAVNOM POZIVU IMAJU

- mjesne zajednice koje su vezane za određene značajne datume
- više mjesnih zajednica, koje su u partnerskom odnosu u organizaciji manifestacije
- udruženja građana, organizacija mladih u mjesnim zajednicama koja djeluju pri mjesnoj zajednici
- ostale mjesne zajednice koje nisu vezane za konkretna događanja u okviru Majskih dana otpora također mogu kandidovati projekte koji podrazumijevaju kulturne i sportske aktivnosti vezano za obilježavanje majskih dana.

O projektima konačnu odluku donosi Tim za obilježavanje značajnih datuma na teritoriji Grada Lukavac.



4. POTREBNA DOKUMENTACIJA

Aplikanti po ovom Javnom pozivu dužni su dostaviti sljedeću dokumentaciju:

a) Popunjen prijavni obrazac sa navedenim prijedlogom programa manifestacije potpisan od strane predsjednika Mjesne zajednice koja kandiduje program i ovjeren pečatom mjesne zajednice, a u slučaju da prijavu podnosi udruženje građana prijava mora biti potpisana od strane ovlaštenog lica udruženja i ovjerena pečatom udruženja.

b) Finansijski plan manifestacije i popunjenu izjavu da će korisnici sredstava nakon provedene manifestacije dostaviti Izvještaj o realizaciji projekta i utrošku sredstava.

c) Dokaz o aktivnom transakcijskom računu i ID Broj mjesne zajednice

Aplikanti koji nisu dostavili izvještaj o utrošku sredstava za prethodnu godinu ne mogu učestvovati u dodjeli sredstava.

5. PODNOŠENJE PRIJAVA NA JAVNI POZIV

Javni poziv će biti objavljen na oglasnoj ploči i web stranici Grada Lukavac (www.lukavac.ba), kao i putem sredstava javnog informisanja. Javni poziv ostaje otvoren 15 dana od dana objavljivanja.

Prijave se predaju u zatvorenoj koverti lično u šalter Sali Gradske uprave ili putem pošte na adresu:

Grad Lukavac

Trg slobode bb

75 300 Lukavac, sa naznakom:

„Javni poziv za kandidovanje prijedloga/projekata za obilježavanje manifestacije
Majski dani otpora“

Neblagovremene i nepotpune prijave se neće uzimati u razmatranje.

GRADONAČELNIK
dr.sc. Edin Delić

Dostaviti:

1. Gradonačelnik,
2. Gradsko vijeće (Tim za obilježavanje značajnih datuma),
3. Web stranica Grada Lukavac,
4. Oglasna ploča (x2),
5. Evidencija,
6. Arhiva.